



# Uorden per diever dalla piazza da sport sper scola a Sumvitg

## **C u n t e g n**

---

<b>I.</b>	<b>Intent</b>	<b>3</b>
<b>II.</b>	<b>Temps d'avertura e da fermada</b>	<b>3</b>
<b>III.</b>	<b>Restricziuns</b>	<b>3</b>
<b>IV.</b>	<b>Scamond da fimar e da consumar bubrondas alcoholicas</b>	<b>3</b>
<b>V.</b>	<b>Responsablada e donns</b>	<b>4</b>
<b>VI.</b>	<b>Lubientschas</b>	<b>4</b>
<b>VII.</b>	<b>Taxas</b>	<b>4</b>
<b>VIII.</b>	<b>Survetsch sanitar</b>	<b>4</b>
<b>IX.</b>	<b>Survigilonza</b>	<b>4</b>
<b>X.</b>	<b>Revocaziuns dalla lubientscha</b>	<b>4</b>

La suprastanza communal da Sumvitg ha relaschau sebasond sil reglament pil diever dallas localitads communalas (217.000) il suadont uorden da diever per la piazza da sport sper la scola a Sumvitg:

## **I. Intent**

---

La piazza da sport survescha en emprema lingia al menaschi da scola. Ella stat era a disposiziun a privats ed ad uniuns pil diever general aschilunsch ch'ella vegn buca duvrada pil sport da scola. Mintga utilisader ha quitau dalla piazza e da ses indrezs. El ha da procurar per uorden sin la piazza da sport. Sils habitonts ella vischinonza e sin lur proprietad ei da prender comensuradamein risguard.

## **II. Temps d'avertura e da fermada**

---

La piazza da sport ei publica ed aviarta duront il di. La piazza ei serrada naven dallas 22.00 uras entochen allas 08.00 uras. Ella sto vegnir bandunada sil pli tard entochen allas 22.15 uras e duei vegnir schada anavos en bien uorden. Per occurrenzas spezialas (concurrenzas, turniers, cuors eav.) sa vegnir lubiu excepziuns. Duront il schubergiar resta la piazza serrada. La serrada vegn communicada cun ina tabla d'avis.

## **III. Restricziuns**

---

Silla piazza da sport eis ei scumandau da purtar calzera da ballapei (Stollen- ni Nockenschuhe) e calzera da bintgun (Spikes-Schuhe). Scadin surdiever che fa donn alla scarpa verda per liung dalla piazza da sport ei da tralasar. Igl implont da sablun astga vegnir duvraus mo per intents da sport ed ei da cuvierer suenter mintga diever cumpetentamein. Suenter occurrenzas spezialas ei la piazza da sport da rumir ladinamein sinaquei ch'il menaschi da scola vegni buca disturbau. Igl access cun velos, mopeds ed ulteriurs vehichels à motor ei scumandaus. Plinavon eis ei buca lubiu da passar sin las parcelas privatas cunfinontas. Duront il temps che la piazza ei cuvretga cun neiv eis ei scumandau da far diever da quella.

## **IV. Scamond da fimar e da consumar bibrondas alcoholicas**

---

Sin l'entira piazza da sport regia in scamond absolut da fimar e da consumar bibrondas alcoholicas.

## **V. Responsabladad e donns**

---

La vischnaunca refusescha tier diever dalla piazza sportiva ordeifer il diever duront scola scadina responsabladad per donns enviers sportists, funcziunaris, aspectaturs e habitonts cunfinonts.

Ils utilisaders dalla piazza ein sez responsabels per donns enviers caussas e persunas. Els stattan buns era per accidents che vegnan caschunai duront il diever.

Donns vid la piazza ni vid ils indrez ein d'annunziar immediat al pedel dalla casa da scola. Tier enguladetschs refusescha la vischnaunca scadina responsabladad. Utensils anflai ein da surdar ladinamein al pedel per conservar.

## **VI. Lubientschas**

---

Lubientschas pil diever regular dalla piazza da sport entras uniuns e gruppas sportivas ni per occurenzas specialas vegnan concedidas entras il cau dil departement dil scolaesser.

## **VII. Taxas**

---

Pil diever lubiu vegn incassau taxas tenor il reglament communal e sebasond sin las decisions dalla suprastonza communal.

## **VIII. Survetsch sanitar**

---

Il survetsch sanitar ei caussa dallas uniuns e dils organisaturs. Els ston sezs metter a disposiziun ils necessaris sortiments d'emprem agid.

## **IX. Survigilanza**

---

Il pedel dalla casa da scola survigilescha la piazza da sport ed il diever da quella.

## **X. Revocaziuns dalla lubientscha**

---

Igl uorden da menaschi per la piazza da sport e las ordinaziuns dils organs incumbensai cun la survigilanza, en special dil pedel, ein da risguardar strictamein. Surpassaments malgrad visada han per consequenza la revocaziun dalla lubientscha respectiv il scamond da far diever dalla piazza.

Tier violaziun ord greva negligentscha restan las stipulaziuns dalla procedura penala Grischuna davart arrest e puniziun resalvadas.